

25.04.2014.



Jučer je održana osma Izvještajno-izborna Skupština Udruženja poslodavaca BPK Goražde. Na dnevnom redu se našlo 10 tačaka dnevnog reda. Birali su se organi Udruženja kao i usvojili Program rada za 2014. godinu, te Izvještaj o radu organa Udruženja za 2013. godinu (Upravnog odbora, Nadzornog odbora, Stručne službe, te delegacije u Ekonomsko-socijalnom vijeću), te

drugi dokumenti.

Na Skupštini su prisustvovali mnogobrojni gosti, između ostalog Premijer BPK Goražde gosp. Emir Frašto koji je u svom govoru rekao :

Saradnja između predstavnika vlasti i poslodavaca može biti još bolja. Prvi smo po povećanju stope zaposlenosti, izvozu, investicijama, regionalno čudo – kazao je premijer Frašto i dodao da se samo zajedničkim naporima može uraditi više na stvaranju jedinstvenog ekonomskog prostora u ovoj regiji, ali i šire.

Istaknuo je da su Zakon o raspolaganju imovinom koja se ne koristi, uvođenje kriterija prednosti pri zapošljavanju iz porodica u kojima niko ne radi, zdravstveno osiguranje svih građana, podsticaji za zapošljavanje i samozapošljavanje, kao i podrška programima obavljanja pripravničkog staža, prekvalifikacije i doškolovavanja kadrova potrebnih privredi, samo neke od mjera koje je Vlada Kantona u dosadašnjem periodu poduzela s ciljem stvaranja što povoljnijeg ambijenta za razvoj lokalne privrede.

Aktivnosti i planove na stvaranju boljeg privrednog okruženja u ovoj godini koji su u nadležnosti Ministarstva za privredu, predstavio je ministar Demir Imamović, te najavio skoro donošenje dva značajna zakona u ovoj oblasti – Zakona o koncesijama i Zakona o industrijskim zonama.

Donošenjem ovih zakona sigurno bi se unaprijedilo poslovno okruženje, mogućnosti za ulaganje i razvoj na području našeg kantona, uveli mehanizmi kontrole i zaštite radničkih prava i okoliša, uslova rada, te riješila druga pitanja od interesa za stanovnike ovog kantona – kazao je on.











Prethodno izveštajno-izborna Skupština Udruženja poslodavaca BPK Goražde održana je 24. aprila 2014. godine u prostorijama Udruženja poslodavaca BPK Goražde.





Tehnički sekretar: Adrian Bukva